

«Վավերացնում եմ»
Հայաստանի Հանրապետության
Նախագահ Ռ. Քոչարյան
14 հուլիսի 2006 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

26 մայիսի 2006 թվականի N 954-Ն

881 ՀԱՅՎԱԿԱՆ ԿՈՆՑԱԿՆԵՐԻ ԵՎ ՀԱՅՎԱԿԱՆ ԿՈՆՑԱԿԻ ՍՊԻՐՏՆԵՐԻ ՏԵՆԵԻԿԱԿԱՆ ԿԱՆՈՆԱԿԱՐԳԸ ՀԱՅՑԱՏԵԼՈՒ ՄԱՍԻՆ

«Ստանդարտացման մասին»¹ Հայաստանի Հանրապետության օրենքի 8-րդ հոդվածի, «Սննդամթերքի անվտանգության մասին»² Հայաստանի Հանրապետության օրենքի դրույթներին համապատասխան, ինչպես նաև հաշվի առնելով մարդու կյանքի ու առողջության անվտանգության ապահովման և սպառողներին թյուրիմացության մեջ զցող գործոնների կանխարգելման խնդիրները՝ Հայաստանի Հանրապետության կառավարությունը որոշում է.

1. Հաստատել հայկական կոնյակների և հայկական կոնյակի սպիրտների տեխնիկական կանոնակարգը՝ համաձայն հավելվածի:
2. Հայաստանի Հանրապետության առևտրի և տնտեսական զարգացման նախարարին՝ սույն որոշման պաշտոնական հրապարակման օրվանից 3 ամսվա ընթացքում օրենքով սահմանված կարգով հաստատել հայկական կոնյակների համտեսային հանձնաժողովի գործունեության կարգը:
3. Հայաստանի Հանրապետության առողջապահության նախարարին՝ սույն որոշման պաշտոնական հրապարակման օրվանից 5 ամսվա ընթացքում օրենքով սահմանված կարգով հաստատել պարենային հումքում և սննդամթերքում ռադիոնուկլիդների որոշման մեթոդիկան:
4. Սույն որոշումն ուժի մեջ է մտնում պաշտոնական հրապարակման օրվանից 6 ամիս հետո:

**Հայաստանի Հանրապետության
վարչապետ**

Ա. Մարգարյան

2006 թ. հուլիսի 12
Երևան

1 ԳԴՊՏ 1999 N 30 (96), 06.12.99
2 ԳԴՊՏ 1999 N 32 (98), 31.12.99

Հավելված
 ՀՀ կառավարության 2008 թվականի
 մայիսի 28-ի N 954-Ն որոշման

Տ Ե Ն Ն Ի Կ Ա Կ Ա Ն Կ Ա Ն Ո Ն Ա Կ Ա Ր Գ

ՀԱՅԿԱԿԱՆ ԿՈՆՅԱԿՆԵՐԻ ԵՎ ՀԱՅԿԱԿԱՆ ԿՈՆՅԱԿԻ ՍՊԻՐՏՆԵՐԻ

I. ԿԻՐԱՌՄԱՆ ՈԼՈՐՏԸ

1. Սույն հայկական կոնյակների և հայկական կոնյակի սպիրտների վերաբերյալ տեխնիկական կանոնակարգի (այսուհետ՝ տեխնիկական կանոնակարգ) գործողությունը տարածվում է արտաքին տնտեսական գործունեության ապրանքային անվանացանկի հետևյալ ծածկագրերից հայկական կոնյակների և դրանց համար հումք հանդիսացող հայկական կոնյակի սպիրտների վրա՝

- 2208 20 120 խաղողի գինեջուրների թորումից ստացված կոնյակ՝ 2 լ կամ պակաս տարողությամբ տարաներում,
- 2208 20 620 խաղողի գինեջուրների թորումից ստացված կոնյակ՝ 2 լ-ից ավելի տարողությամբ տարաներում,
- 2208 20 400 խաղողի գինեջուրների թորումից ստացված սպիրտային թուրմ (չվերամշակված թորվածք)՝ 2 լ-ից ավելի տարողությամբ տարաներում,
- 2208 20 890 խաղողի գինեջուրների թորումից ստացված սպիրտային թուրմ 2 լ -ից ավելի տարողությամբ տարաներում:

2. Սույն տեխնիկական կանոնակարգով սահմանվում են 1-ին կետում տրված հայկական կոնյակների և հայկական կոնյակի սպիրտների անվտանգությունը բնութագրող ցուցանիշները, դրանց արտադրությանը, մակնշմանը և փաթեթավորմանը ներկայացվող պահանջները, ինչպես նաև համապատասխանության հավաստման և սպառողներին թյուրիմացության մեջ զգող գործոնների կանխարգելման նպատակով հայկական կոնյակի իսկության հավաստման ընթացակարգերը:

3. Հայկական կոնյակները և հայկական կոնյակի սպիրտները ենթակա են համապատասխանության պարտադիր հավաստման:

II. ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

4. Սույն տեխնիկական կանոնակարգում կիրառված են հետևյալ հասկացությունները՝

հայկական կոնյակ՝ յուրահատուկ բուրմունքով և համով էթիլ սպիրտի 40-ից մինչև 57 տոկոս ծավալային մասով ակոհոլային խմիչք, որը պատրաստված է 3 տարվանից ոչ պակաս հասունացած հայկական կոնյակի սպիրտներից և շշալցված է Հայաստանի Հանրապետության տարածքում.

տվիրական (օրդինար) հայկական կոնյակ՝ հայկական կոնյակ, որը պատրաստված է 3 տարվանից ոչ պակաս հասունացած և 4 կամ 5 միջին հասունացման տարիքի հայկական կոնյակի սպիրտներից.

տեսակավոր հայկական կոնյակ՝ հայկական կոնյակ, որը պատրաստված է կաղնե-

փայտե տակառներում կամ կաղնու տակառատախտակներով բեռնված պահեստատակառներում (բուտերում) 6 տարվանից ոչ պակաս հասունացած հայկական կոնյակի սպիրտներից:

Տեսակավոր հայկական կոնյակների պատրաստման համար օգտագործվող հայկական կոնյակի սպիրտների միջին տարիքը պետք է լինի ոչ պակաս տվյալ անվանման կոնյակի համար սահմանված տարիքից:

կղեկցիոն հայկական կոնյակ՝ հայկական կոնյակ, որը պատրաստված է կաղնեփայտե տակառներում կամ պահեստատակառներում լրացուցիչ 3 տարվանից ոչ պակաս հնացված տեսակավոր կոնյակներից:

հայկական կոնյակի սպիրտ՝ Հայաստանի Հանրապետության և Լեռնային Ղարաբաղի տարածքներում աճեցրած խաղողի հատուկ սորտերից ստացված գինեմյութերից ֆրակցիոն բորման միջոցով պատրաստված և Հայաստանի Հանրապետության տարածքում հասունացած սպիրտ:

երիտասարդ հայկական կոնյակի սպիրտ՝ հայկական կոնյակի սպիրտ, որը շփման մեջ չի գտնվել կաղնու բնափայտի հետ:

հասունացած հայկական կոնյակի սպիրտ՝ հայկական կոնյակի սպիրտ, որը հասունացման ամբողջ ընթացքում շփման մեջ է գտնվել կաղնու բնափայտի հետ:

հայկական կոնյակի գինեմյութ՝ հայկական կոնյակի սպիրտի ստացման համար նախատեսված Հայաստանի Հանրապետության և Լեռնային Ղարաբաղի տարածքներում աճեցրած խաղողի հատուկ սորտերից պատրաստված գինեմյութ՝ էթիլ սպիրտի նվազագույնը 8 տոկոս ծավալային մասով:

կուպաժավորում՝ գործողություն, որի ընթացքում խառնում են տարբեր քանակության, տարբեր վայրերից ստացված և տարբեր տեսակների ու հասունացման տարիքի հայկական կոնյակի սպիրտներ և տեխնոլոգիական հրահանգով նախատեսված այլ օժանդակ նյութեր՝ հայկական կոնյակի յուրահատուկ տեսակներ ստեղծելու նպատակով:

հայկական կոնյակի խմբաքանակ՝ հայկական կոնյակների ցանկացած քանակություն, որն արտադրված է նույն կազմակերպության կողմից, ունի նույն կուպաժը, շալցման նույն թվականը և ձևակերպված է մեկ ապրանքաուղեկից փաստաթղթով:

հայկական կոնյակի (կոնյակի սպիրտի) նույնականացում՝ ընթացակարգ, որի միջոցով հավաստվում է շրջանառության բոլոր փուլերում հայկական կոնյակների (հայկական կոնյակի սպիրտների) նույնականությունը դրանց անվանմանը և էական հատկանիշներին:

III. ՇՈՒԿԱ ՄՈՒՏԵ ԳՈՐԾԵԼՈՒ ՊԱՅՄԱՆՆԵՐԸ

5. Հայաստանի Հանրապետության տարածքում հայկական կոնյակների և կոնյակի սպիրտների իրացման ժամանակ պետք է պահպանվեն համապատասխանության պարտադիր հավաստման ենթակա արտադրանքի նկատմամբ Հայաստանի Հանրապետության օրենսդրությամբ սահմանված պայմանները:

6. Հայաստանի Հանրապետության տարածքում շրջանառության մեջ գտնվող հայկական կոնյակները և հայկական կոնյակի սպիրտները պետք է ուղեկցվեն համապատասխանության սերտիֆիկատով կամ ունենան համապատասխանության նշանի մակնշում:

7. Սպառողներին թյուրիմացության մեջ զգող գործոնների կանխարգելման նպատակով հայկական կոնյակներ արտադրող և սպառող կազմակերպությունների միջև կնքված պայմանագրերի հիման վրա հայկական կոնյակները լրացուցիչ կարող են ուղեկցվել Հայաստանի Հանրապետության առևտրի և տնտեսական զարգացման նախարարության Հայաստանի Հանրապետության որակի տեսչության կողմից տրված հայկական կոնյակների իսկության մասին վկայականով:

IV. ՏԵԽՆԻԿԱԿԱՆ ՊԱՅԱՆՋՆԵՐԸ

8. Հայկական կոնյակների և հայկական կոնյակի սպիրտների պատրաստման համար օգտագործվող նյութերի անվտանգության պահանջները պետք է համապատասխանեն «Սննդամթերքի անվտանգության մասին» Հայաստանի Հանրապետության օրենքով սահմանված դրույթներին:

9. Հայկական կոնյակների և հայկական կոնյակի սպիրտների անվտանգությունը բնութագրող ցուցանիշները ներկայացված են N 1 աղյուսակում:

Աղյուսակ N 1. Հայկական կոնյակների և հայկական կոնյակի սպիրտների անվտանգության ցուցանիշները

| Ցուցանիշը | Թույլատրելի մակարդակը, ոչ ավելի |
|-----------------------------------|---------------------------------|
| Թունավոր տարրերը, մգ/կգ. | |
| կապար | 0,3 |
| արսեն | 0,2 |
| կադմիում | 0,03 |
| սնդիկ | 0,005 |
| Մեթիլ սպիրտը, գ/դմ ³ . | |
| հայկական կոնյակներում | 1,0 |
| հայկական կոնյակի սպիրտներում | 1,2 |
| Ռադիոնուկլիդները, Բկ/լ. | |
| ցեզիում -137 | 70 |
| ստրոնցիում - 90 | 100 |

10. Հայկական կոնյակների և հայկական կոնյակի սպիրտների քիմիական ցուցանիշները պետք է համապատասխանեն NN 2 և 3 աղյուսակներում տրված նորմերին:

Աղյուսակ N 2. Հայկական կոնյակների քիմիական ցուցանիշները

| Ցուցանիշի անվանումը | Նորմը |
|--|--------|
| Էթիլ սպիրտի ծավալային մասը, % | 40-57* |
| Շաքարների զանգվածային խտությունը, գ/դմ ³ | 7-20* |
| Երկաթի զանգվածային խտությունը, մգ/դմ ³ , ոչ ավելի | 1,5 |
| Պղնձի զանգվածային խտությունը, մգ/դմ ³ , ոչ ավելի | 5,0 |
| * Կոնկրետ անվանման կոնյակների համար սահմանված նորմերից թույլատրելի շեղումները չպետք է գերազանցեն՝ էթիլ սպիրտի ծավալային մասի՝ ± 0,3%, շաքարների զանգվածային խտության՝ ± 0,2% | |

Աղյուսակ N 3. Հայկական կոնյակի սպիրտների քիմիական ցուցանիշները

| Ցուցանիշի անվանումը | Նորմը | |
|---|-----------|------------|
| | երիտասարդ | հասունացած |
| Էթիլ սպիրտի ծավալային մասը, % | 62,0-70,0 | 55 -70 |
| Բարձր սպիրտների զանգվածային խտությունը՝ վերահաշվարկած ըստ իզոամիլ սպիրտի, մգ/100 սմ ³ անջուր սպիրտի | 180-600 | 170-500 |
| Ալդեհիդների զանգվածային խտությունը՝ վերահաշվարկած ըստ քացախաթթվական ալդեհիդի, մգ/100 սմ ³ անջուր սպիրտի | 3-50 | 5-50 |
| Միջին էթերների զանգվածային խտությունը՝ վերահաշվարկած ըստ քացախաթթվական էթիլ էթերի, մգ/100 սմ ³ անջուր սպիրտի | 50-250 | 50-270 |
| Ցնդող թթուների զանգվածային խտությունը՝ վերահաշվարկած ըստ քացախաթթվի, մգ/100 սմ ³ անջուր սպիրտի, ոչ ավելի | 80 | 250 |
| Ֆուրֆուրոլի զանգվածային խտությունը, մգ/100 սմ ³ անջուր սպիրտի, ոչ ավելի | 3,0 | 3,0 |
| Պղնձի զանգվածային խտությունը, մգ/դմ ³ , ոչ ավելի | 8,0 | 8,0 |
| Ընդհանուր ծծմբի երկօքսիդի զանգվածային խտությունը, մգ/դմ ³ , ոչ ավելի | 45 | 40 |
| Երկաթի զանգվածային խտությունը, մգ/դմ ³ , ոչ ավելի | 1,5 | 1,5 |

11. Հայկական կոնյակների և հայկական կոնյակի սպիրտների զգայորոշման ցուցանիշները պետք է համապատասխանեն NN 4 և 5 աղյուսակներում տրված բնութագրերին:

Աղյուսակ N 4. Հայկական կոնյակների զգայորոշման ցուցանիշները

| Ցուցանիշի անվանումը | Բնութագիրը |
|---------------------|--|
| Գույնը | բաց դարչնագույնից մինչև մուգ դարչնագույնը՝ ոսկեգույն երանգով |
| Թափանցիկությունը | թափանցիկ, փայլով, առանց նստվածքի և կողմնակի խառնուկների |
| Համը և փունջը | տվյալ անվանմամբ կոնյակին բնորոշ, առանց կողմնակի համի և հոտի |

Աղյուսակ N 5. Հայկական կոնյակի սպիրտների զգայորոշման ցուցանիշները

| Ցուցանիշի անվանումը | Հայկական կոնյակի սպիրտի բնութագիրը | |
|---------------------|--|--|
| | երիտասարդ | հասունացած |
| Գույնը | անգույնից մինչև բաց ծղոտագույն | ծղոտագույնից մինչև մուգ դարչնագույն |
| Թափանցիկությունը | թափանցիկ, առանց կողմնակի ներառուկների և նստվածքի | |
| Բուրմունքը | բարդ, արտահայտված գինու և թեթև ծաղկային տոներով | բարդ, կաղնու բաղադրամասերի թեթև, զգալի տոներից մինչև ավելի արտահայտված և նուրբ ծաղկավանիլինաշոկոլադային նրբերանգների տոներ |
| Համը | մաքուր, այրող, էթիլ սպիրտի թեթև համով | այրող, կաղնու, էթիլայինից մինչև լրիվ փափուկ, ներդաշնակ՝ բարկահամ դառնությամբ |

12. Սույն տեխնիկական կանոնակարգի N 5 աղյուսակում տրված հայկական կոնյակի սպիրտների համի և բուրմունքի մեջ չի թույլատրվում կտրուկ եփերաալդեհիդային, քացախաթթվային, կծված, քանձրացած, վառած, նավթային, ծծմբաջրածնային և այլ կողմնակի տոներ:

13. Հայկական կոնյակի սպիրտների պատրաստման համար հումք հանդիսացող հայկական կոնյակի գինեջուրները պետք է պատրաստված լինեն Հայաստանի Հանրապետության և Լեռնային Ղարաբաղի տարածքներում աճեցրած խաղողի հետևյալ սորտերից՝ Գառան դմակ, Մսխալի, Մեղրաբույր, Կանգուն, Բանանց, Լավարի, Ոսկեհատ, Ոկածիթելի, Ճիլար, Մասիս, Ազատենի, Կախեթ, Վանի:

Հայկական կոնյակի գինեջուրների պատրաստման համար օգտագործվող խաղողի կոնկրետ սորտի քանակը պետք է լինի 80 տոկոսից ոչ պակաս:

Հայկական կոնյակի գինեջուրների զգայորոշման ցուցանիշները պետք է համապատասխանեն N 6 աղյուսակում տրված բնութագրերին:

Աղյուսակ N 6. Հայկական կոնյակի գինեջուրների զգայորոշման ցուցանիշները

| Ցուցանիշի անվանումը | Բնութագիրը |
|---------------------|--|
| Գույնը | բաց ծղոտագույնից մինչև վարդագույն |
| Արտաքին տեսքը | թափանցիկ կամ ոչ թափանցիկ հեղուկ, առանց մթերքին ոչ բնորոշ կողմնակի ներառուկների |
| Բուրմունքը և համը | մաքուր, գինեջուրի, առանց կողմնակի հոտի և համի |

Հայկական կոնյակի գինեջուրների քիմիական ցուցանիշները պետք է համապատասխանեն N 7 աղյուսակում տրված նորմերին:

Աղյուսակ N 7. Հայկական կոնյակի գինեջուրների քիմիական ցուցանիշները

| Ցուցանիշի անվանումը | Նորմը |
|---|-------|
| Էթիլ սպիրտի ծավալային մասը, %, ոչ պակաս | 8,0 |
| Տիտրվող թթուների զանգվածային խտությունը, վերահաշվարկած ըստ գինեթթվի, գ/դմ ³ , ոչ պակաս | 4,5 |
| Ցնդող թթուների զանգվածային խտությունը, վերահաշվարկած ըստ քաղախաթթվի, գ/դմ ³ , ոչ ավելի | 1,2 |
| Ընդհանուր ծծմբի երկօքսիդի զանգվածային խտությունը, մգ/դմ ³ , ոչ ավելի | 15 |

14. Հայկական կոնյակների պատրաստման համար օգտագործվող այլ նյութերը պետք է սահմանված լինեն արտադրողի կողմից հաստատված տեխնոլոգիական հրահանգներով և համապատասխանեն Հայաստանի Հանրապետության օրենսդրությանը:

Փաթեթավորումը, պիտակավորումը, մակնշումը և պահումը

15. Իրացման համար նախատեսված հայկական կոնյակների սպառողական տարաները և դրանց խցանափակման արտադրատեսակները պետք է պատրաստված լինեն Հայաստանի Հանրապետության առողջապահության նախարարության կողմից սննդամթերքի հետ շփման համար թույլատրված նյութերից:

16. Հայկական կոնյակի սպառողական տարայի, պիտակի կամ ցանկացած զուգորդությամբ պիտակի, կրկնապիտակի և մանյակապիտակի մականշվածքը պետք է պարունակի հետևյալ տեղեկությունները՝

- ա) արտադրողի անվանումը և գտնվելու վայրը,
- բ) «Հայկական կոնյակ» բառերը,
- գ) հայկական կոնյակի անվանումը (եթե հայկական կոնյակի անվանման մեջ օգտագործվում են աստղեր, ապա դրանց թիվը պետք է համապատասխանի հայկական կոնյակի տարիքին),
- դ) «Կոլեկցիոն» բառը՝ կոլեկցիոն կոնյակների համար,
- ե) «Հայաստանի Հանրապետություն» բառերը,
- զ) արտադրողի գրանցված ապրանքային նշանը (եթե պիտակը գրանցված չէ որպես ապրանքային նշան),
- է) թնդությունը (եթիլ սպիրտի ծավալային մասը)՝ տոկոսներով,
- ը) հայկական կոնյակի տարիքը, որը պետք է համապատասխանի կոնյակի սպիրտի միջին տարիքին,
- թ) շալցման թվականը,
- ժ) լրացուցիչ հնացման տարիքը (կոլեկցիոն հայկական կոնյակների համար),
- ժա) հայկական կոնյակի ծավալը՝ լիտրերով,
- ժբ) կախված պայմանագրից՝ սպառողական տարայի վրա կարող են նշվել ստանդարտացման նորմատիվ փաստաթղթի նշագիրը, ըստ որի արտադրվել է հայկական կոնյակը և (կամ) համապատասխանության նշանը՝ համաձայն սույն տեխնիկական կանոնակարգի 40-րդ կետի:

Մականշվածքը պետք է կատարվի հայերենով կամ հայերենով և օտար լեզվով՝ ըստ պայմանագրի, իսկ արտահանման դեպքում՝ պայմանագրում նշված լեզուներով:

Տրանսպորտային տարայի մակնշումը պետք է իրականացվի սույն տեխնիկական կանոնակարգի XI բաժնում ներկայացված բեռների մակնշման ստանդարտի պահանջներին համապատասխան:

17. Հայկական կոնյակի շալցումը պետք է կատարվի՝ ըստ ծավալի կամ ըստ մակարդակի՝ 5 դմ³-ից ոչ ավելի տարողությամբ տարաներում:

Տարբեր տարողությամբ սպառողական տարաների համար թույլատրելի թերալցումը ($20 \pm 0,5\%$)^օ ջերմաստիճանում չպետք է գերազանցի՝

| | |
|-------------------------|---------|
| 0,75 լ-ից ավելի՝ | 6,0 մլ, |
| 0,70 լ-ից մինչև 0,75 լ՝ | 5,0 մլ, |
| 0,50 լ՝ | 4,0 մլ, |
| 0,20 լ-ից մինչև 0,30 լ՝ | 3,0 մլ, |
| 0,10 լ՝ | 1,5 մլ, |
| 0,05 լ՝ | 1,0 մլ: |

18. Հայկական կոնյակների սպառողական տարայի վրա թույլատրվում է զետեղել լրացուցիչ գովազդային բնույթի և արտադրանքը բնութագրող այլ տեղեկատվություն, որը չպետք է հակասի սույն տեխնիկական կանոնակարգի 16-րդ կետով սահմանված պահանջներին: Գովազդային բնույթի տեղեկատվությունը պետք է զետեղվի միայն արտադրողի մոտ դրա հավաստիությունը հաստատող փաստաթղթերի առկայության դեպքում:

19. Հայկական կոնյակները պետք է պահվեն օդափոխվող, կողմնակի հոտերից զերծ սենքերում՝ 5°C-ից ոչ ցածր ջերմաստիճանի պայմաններում:

Հայկական կոնյակով շշերը պետք է պաշտպանված լինեն արևի ուղղակի ճառագայթների ազդեցությունից:

20. Հայկական կոնյակի սպիրտները պետք է լցվեն կաղնեփայտե տակառների, կամ տիտանային զողովի տակառների, կամ այլ տարողությունների մեջ՝ պատրաստված սպիրտների հետ շփման համար թույլատրված նյութերից:

21. Փոխադրման համար նախատեսված հայկական կոնյակի սպիրտով տակառներում պետք է նախատեսվի տակառի ընդհանուր տարողության 2 տոկոսից ոչ պակաս չափով ազատ տարածություն:

22. Հայկական կոնյակի սպիրտների տակառների մականշվածքը պետք է պարունակի հետևյալ տեղեկությունները և համապատասխանի սույն տեխնիկական կանոնակարգի XI բաժնում ներկայացված բեռների մականշման ստանդարտի պահանջներին՝

- ա) արտադրողի անվանումը և գտնվելու վայրը,
- բ) «Հայկական կոնյակի սպիրտ» բառերը,
- գ) արտադրանքի ծավալը կամ զտաքաշը և համաքաշը,
- դ) տակառի և խմբաքանակի համարները,
- ե) ապրանքային նշանը (առկայության դեպքում),
- զ) էթիլ սպիրտի ծավալային մասը՝ տոկոսներով,
- է) լցման ամսաթիվը,
- ը) հայկական կոնյակի սպիրտի տարիքը,
- թ) խմբաքանակի համարը,

ժ) կախված պայմանագրից՝ տարայի վրա կարող են նշվել ստանդարտացման նորմատիվ փաստաթղթի նշագիտը, ըստ որի արտադրվել է հայկական կոնյակի սպիրտը և համապատասխանության նշանը՝ համաձայն սույն տեխնիկական կանոնակարգի 40-րդ կետի:

23. Հայկական կոնյակի սպիրտները պետք է պահվեն 15-ից մինչև 25°C օդի ջերմաստիճանի և 75 տոկոսից մինչև 95 տոկոս օդի հարաբերական խոնավության պայմաններ ապահովող սենքերում:

VI. ՆՈՒՅՆԱԿԱՆԱՑՈՒՄ

24. Հայկական կոնյակների և հայկական կոնյակի սպիրտների նույնականացումը պետք է իրականացնեն դրանց արտադրման, վերամշակման, պահման, փոխադրման և իրացման փուլերում իրավաբանական անձինք կամ անհատ ձեռնարկատերերը, ինչպես նաև սույն տեխնիկական կանոնակարգի պահանջներին հայկական կոնյակների և հայկական կոնյակի սպիրտների համապատասխանության հավաստման և պետական վերահսկողության մարմինները:

25. Նույնականացումն իրականացնում են՝

ա) սերտիֆիկացման մարմինները՝ սերտիֆիկացման ժամանակ,

բ) պետական վերահսկողության մարմինները՝ վերահսկողություն իրականացնելիս իրենց իրավասության սահմաններում,

գ) այլ մարմինները և կազմակերպությունները՝ նախաձեռնության կարգով արտադրանքի վերաբերյալ տրամադրված տեղեկատվության համապատասխանությունը հավաստելու անհրաժեշտության դեպքում:

26. Կախված նույնականացման խնդիրներից՝ կիրառվում են նույնականացման հետևյալ եղանակները՝

ա) փաստաթղթային փորձաքննություն,

բ) արտադրանքի փորձարկում,

գ) արտադրանքի համտեսում (միայն հայկական կոնյակների համար):

27. Փաստաթղթային փորձաքննությամբ նույնականացումն իրականացնելու դեպքում պետք է ստուգվեն հայկական կոնյակների կամ հայկական կոնյակի սպիրտների սպառողական և փոխադրական տարաների կամ դրանց պիտակների վրա նշված մականշվածքի բովանդակության համապատասխանությունն ապրանքաուղեկից փաստաթղթերում տրված տեղեկատվությանը:

28. Հայկական կոնյակների փորձարկմամբ նույնականացումը պետք է կատարվի

ըստ սույն տեխնիկական կանոնակարգի N 2 աղյուսակում տրված քիմիական ցուցանիշների:

29. Հայկական կոնյակի սպիրտների փորձարկմամբ նույնականացումը պետք է կատարվի ըստ սույն տեխնիկական կանոնակարգի NN 3 և 5 աղյուսակներում տրված քիմիական ցուցանիշների և զգայորոշման բնութագրերի:

30. Հայկական կոնյակի համտեսմամբ նույնականացումը պետք է կատարվի ըստ սույն տեխնիկական կանոնակարգի N 4 աղյուսակում տրված հայկական կոնյակի զգայորոշման ցուցանիշների՝ Հայաստանի Հանրապետության առևտրի և տնտեսական զարգացման նախարարության կողմից հաստատված համտեսային հանձնաժողովի գործունեության կարգի համաձայն:

31. Հայկական կոնյակների և հայկական կոնյակի սպիրտների նույնականացման արդյունքները պետք է ձևակերպվեն արձանագրությամբ, որը, կախված նույնականացման եղանակից, կարող է բովանդակի՝

- ա) արտադրանքի անվանումը,
- բ) արտադրողի մասին տեղեկատվությունը,
- գ) շալցման թվականը (հայկական կոնյակի համար),
- դ) փաստաթղթերի փորձաքննության, արտադրանքի փորձարկման (համտեսման) արդյունքները,

ե) փաթեթավորման մասին տեղեկատվություն, այդ թվում՝ սպառողական տարայի տարողությունը՝ լիտրերով և փոխադրական տարայում շշերի քանակը (հայկական կոնյակի համար),

զ) տակառի համարը և տարողությունը՝ լիտրերով (հայկական կոնյակի սպիրտների համար),

- է) ստանդարտացման նորմատիվ փաստաթղթի նշագիրը,
- ը) խմբաքանակի համարը և չափը,
- թ) նույնականացման արդյունքների հիման վրա կազմված եզրակացությունը:

VII. ՀԱՅՎԱԿԱՆ ԿՈՆՅԱԿՆԵՐԻ ԻՍՎՈՒԹՅԱՆ ՀԱՎԱՍՏՈՒՄԸ

32. Հայկական կոնյակներ արտադրող իրավաբանական անձինք կամ անհատ ձեռնարկատերերը (այսուհետ՝ հայտատու) հայկական կոնյակների իսկությունը հավաստելու համար Հայաստանի Հանրապետության առևտրի և տնտեսական զարգացման նախարարության Հայաստանի Հանրապետության որակի տեսչություն (այսուհետ՝ տեսչություն) պետք է ներկայացնեն՝

ա) յուրաքանչյուր տարվա սկզբում նախորդ տարվա սեզոնային զինեզործության արդյունքների եզրափակիչ հաշվետվություն՝ համաձայն սույն տեխնիկական կանոնակարգի N 1 ձևի՝ նշելով վերամշակված խաղողի սորտերը և քանակը, որը պետք է համապատասխանի արտադրողի մոտ առկա խաղողի մթերման փաստաթղթերին,

բ) յուրաքանչյուր տարվա վերջում տեղեկանք՝ ըստ հասունացման տարիքի հայկական կոնյակի սպիրտների և պատրաստի հայկական կոնյակների (առանց շալցման) մնացորդային քանակությունների (ղեկալիտր անջուր սպիրտի) մասին,

գ) եռամսյակը մեկ տեղեկանք՝ իրացված հայկական կոնյակների և ըստ հասունացման տարիքային խմբերի գնված հայկական կոնյակի սպիրտների մասին,

դ) յուրաքանչյուր տարվա վերջում փաստաթուղթ՝ խաղողի մթերման և արտադրված զինենյութի քանակական արդյունքների մասին՝ նշելով մթերած խաղողի տարածքային ծագումը, ինչպես նաև հայկական կոնյակի զինենյութի պատրաստման համար օգտագործվող խաղողի կոնկրետ սորտը:

33. Հայկական կոնյակի յուրաքանչյուր անվանատեսակի կուպաժավորման ավարտից հետո և շալցումն սկսելուց 10 օր առաջ դրա մասին հայտատուն գրավոր տեղե-

կացնում է տեսչությանը՝ կցելով կուպաժավորման թերթիկի պատճենը: Տեսչությունն ուսումնասիրում է կուպաժավորման թերթիկում նշված կուպաժավորման համար օգտագործված հայկական կոնյակի սպիրտների միջին տարիքի ապահովման փաստը (կուպաժավորման համար կարող են օգտագործվել 3 տարվանից ոչ պակաս հասունացած հայկական կոնյակի սպիրտներ): Տեսչության ներկայացուցիչը կուպաժավորման թերթիկով ներկայացված պատրաստի հայկական կոնյակի քանակից կատարում է նմուշառում՝ սույն տեխնիկական կանոնակարգի XI բաժնում նշված նմուշառման ստանդարտով սահմանված կարգին համապատասխան: Ընտրված նմուշների մի մասը ներկայացվում է Ստանդարտների ազգային ինստիտուտի հավատարմագրված փորձարկման լաբորատորիա՝ փորձարկման, մյուս մասը՝ համտեսային հանձնաժողով՝ համտեսում իրականացնելու և եզրակացություն ստանալու համար: Համտեսումը պետք է իրականացվի սույն տեխնիկական կանոնակարգի 30-րդ կետում նշված կարգին համապատասխան: Հայկական կոնյակի փորձարկումներն իրականացվում են հայտատուի հաշվին:

34. Հայկական կոնյակների իսկության մասին վկայական ստանալու նպատակով հայտատուն տեսչություն է ներկայացնում հայտ (N 2 ձև):

Հայտին կից ներկայացվում է փաստաթղթերի հետևյալ լրակազմը՝

ա) հայկական կոնյակի խմբաքանակի հաշիվ-ապրանքագիրը կամ դրան փոխարինող փաստաթուղթը,

բ) անվանատեսակների փորձարկման արձանագրությունները՝ տրված սույն տեխնիկական կանոնակարգի 33-րդ կետում նշված հավատարմագրված փորձարկման լաբորատորիայի կողմից:

Այն դեպքում, երբ հայկական կոնյակը շալցված է կուպաժից, որի վերաբերյալ տեսչությունում առկա չեն սույն տեխնիկական կանոնակարգի 32-րդ կետով նախատեսված փաստաթղթերը, ապա տեսչության ներկայացուցիչը հայկական կոնյակի նմուշն ընտրում է այդ կուպաժից՝ համտեսային հանձնաժողովից համտեսային եզրակացությունն ստանալու և սույն տեխնիկական կանոնակարգի 33-րդ կետին համապատասխան փորձարկման ներկայացնելու նպատակով:

35. Հայտը տեսչությունում գրանցվելուց հետո մեկօրյա ժամկետում պետք է իրականացվի ներկայացված փաստաթղթերի լրակազմի ստուգում: Լրակազմում որևէ փաստաթղթի բացակայության դեպքում փորձաքննություն չի կատարվում և ներկայացված փաստաթղթերը գրությամբ վերադարձվում են հայտատուին:

36. Փաստաթղթերի փորձաքննության ժամանակ տեսչության կողմից պետք է ուսումնասիրվի ներկայացված յուրաքանչյուր անվանատեսակի փորձարկման արձանագրությունում տրված ցուցանիշների համապատասխանությունը նույն անվանատեսակի հայկական կոնյակի կուպաժավորման ավարտից հետո վերցված փորձանմուշի փորձարկման արձանագրության մեջ նշված ցուցանիշների հետ:

Փորձարկման արձանագրությունը պետք է բովանդակի՝

- ա) փորձարկումը կատարող լաբորատորիայի անվանումը, գտնվելու վայրը,
- բ) փորձարկման լաբորատորիայի հավատարմագրման վկայագրի գործողության ժամկետը,
- գ) արտահանվող հայկական կոնյակի անվանատեսակը և տարիքը,
- դ) ֆիզիկաքիմիական ցուցանիշները,
- ե) էթիլ սպիրտի ծավալային մասը՝ տոկոսներով (թնդությունը),
- զ) կոնյակի ծավալը՝ վերահաշվարկած ըստ անջուր սպիրտի, լիտրերով,
- է) շշի տարողությունը,
- ը) անվտանգության ցուցանիշները,
- թ) փորձարկման արձանագրությունը կազմելու ամսաթիվը:

Փորձարկման արձանագրությունը պետք է ստորագրվի հավատարմագրված փորձարկման լաբորատորիայի ղեկավարի կողմից և կնքվի:

37. Սույն տեխնիկական կանոնակարգի 32-34-րդ կետերով նախատեսված փաստաթղթերի փորձաքննության և 36-րդ կետով նախատեսված փորձարկումների արձանագրությունների ու 32-րդ կետով նախատեսված մթերման փաստաթղթերի առկայության դեպքերում պետք է կազմվի հայկական կոնյակի իսկության մասին վկայականի տրամադրման վերաբերյալ համապատասխանության եզրակացություն:

Դրական արդյունքների հիման վրա մեկօրյա ժամկետում հայտատուին տրամադրվում է հայկական կոնյակի իսկության մասին վկայականի (N 3 ձև) մեկ օրինակ՝ հայերենով: Անհրաժեշտության դեպքում վկայականը կարող է ձևակերպվել նաև ռուսերենով կամ անգլերենով:

38. Փաստաթղթերի փորձաքննության և հայկական կոնյակի փորձարկման բացասական արդյունքների դեպքում մեկօրյա ժամկետում հայտատուին պետք է տրվի հայտի մերժման մասին եզրակացություն՝ նշելով մերժման պատճառները, որը պետք է ստորագրված լինի գլխավոր պետական տեսուչի կողմից:

VIII. ՀԱՄԱՊԱՏԱՍԽԱՆՈՒԹՅԱՆ ՀԱՎԱՍՏԱՆ ԸՆԹԱՑԱԿԱՐԳԵՐԸ

39. Սույն տեխնիկական կանոնակարգի պահանջներին հայկական կոնյակների և հայկական կոնյակի սպիրտների համապատասխանությունը հավաստելու համար արտադրողը, մատակարարը կամ նրա լիազոր ներկայացուցիչը պետք է ունենա Հայաստանի Հանրապետության կառավարության 2004 թվականի օգոստոսի 12-ի «Արտադրանքի կամ ծառայությունների համապատասխանության պարտադիր հավաստման համար կիրառվող սխեմաները և դրանց նույնականացման նշագրերը սահմանելու մասին» N 1170-Ն որոշմամբ սահմանված 2ա, 3ա, 4ա, 5ա և 6ա սխեմաներից որևէ մեկով հավաստված համապատասխանության սերտիֆիկատ:

40. Արտադրողը, մատակարարը կամ նրա լիազոր ներկայացուցիչը հայկական կոնյակների և հայկական կոնյակի սպիրտների տարաների վրա և (կամ) ապրանքաուղեկից փաստաթղթերում կարող է նշել համապատասխանության նշանը՝ Հայաստանի Հանրապետության կառավարության 2004 թվականի սեպտեմբերի 9-ի «Համապատասխանության նշանի պատկերը, դրան ներկայացվող տեխնիկական պահանջները և կիրառման կարգը հաստատելու մասին» N 1281-Ն որոշմամբ հաստատված համապատասխանության նշանը:

41. Սերտիֆիկացման մարմինը փորձարկումներ կատարելու նպատակով նմուշառումն իրականացնում է արտադրողի, մատակարարի կամ նրա լիազոր ներկայացուցչի մասնակցությամբ՝ տվյալ խմբաքանակը բնորոշող նվազագույն բավարար քանակով սույն տեխնիկական կանոնակարգի XI բաժնում ներկայացված նմուշառման ստանդարտով սահմանված կարգին համապատասխան:

42. Հայկական կոնյակների և հայկական կոնյակի սպիրտների նույնականացումը պետք է իրականացվի սույն տեխնիկական կանոնակարգի 27-րդ, 28-րդ և 29-րդ կետերին համապատասխան:

43. Հավատարմագրված փորձարկման լաբորատորիան փորձարկումները պետք է կատարի սույն տեխնիկական կանոնակարգի XI բաժնում ներկայացված ստանդարտներով սահմանված փորձարկման մեթոդիկայով:

Ռադիոնուկլիդների որոշումը պետք է կատարվի Հայաստանի Հանրապետության առողջապահության նախարարի կողմից հաստատված մեթոդներով:

44. Համապատասխանության սերտիֆիկատի գործողության ժամկետի ընտրությունը պետք է կատարվի ըստ իրականացված համապատասխանության հավաստման սխեմայի՝

2ս կամ 6ս սխեմայի դեպքում՝ 12 ամիս,

3ս սխեմայի դեպքում՝ 24 ամիս,

4ս կամ 5ս սխեմայի դեպքում՝ 36 ամիս:

45. Սերտիֆիկացման մարմինը հայտատուին համապատասխանության սերտիֆիկատ հանձնելու ժամանակ նրա հետ կնքում է համապատասխանության սերտիֆիկատի օգտագործման մասին պայմանագիր, եթե սերտիֆիկացման գործողությունները կատարվել են 2ս - 5ս սխեմաներից որևէ մեկով:

46. Սերտիֆիկացված հայկական կոնյակների և հայկական կոնյակի սպիրտների համապատասխանության հսկողությունն իրականացվում է համապատասխանության սերտիֆիկատի գործողության ժամկետի ընթացքում, առնվազն տարեկան մեկ անգամ սույն տեխնիկական կանոնակարգի 45-րդ կետում նշված պայմանագրի հիման վրա:

47. «Համապատասխանության գնահատման մասին» Հայաստանի Հանրապետության օրենքի համաձայն համապատասխանության հսկողության արդյունքների հիման վրա սերտիֆիկացման մարմինն իրավունք ունի իր կողմից տրված համապատասխանության սերտիֆիկատի գործողության ժամկետը պահպանելու կամ կասեցնելու կամ դադարեցնելու: Համապատասխանության սերտիֆիկատի գործողության կասեցման կամ դադարեցման պայմանները սահմանված են Հայաստանի Հանրապետության կառավարության 2004 թվականի օգոստոսի 12-ի N 1170-Ն որոշմամբ:

48. Համապատասխանության սերտիֆիկատի գործողությունը կասեցնելու կամ դադարեցնելու դեպքում սերտիֆիկացման մարմինը դրա մասին տեղեկացնում է համապատասխանության սերտիֆիկատը տնօրինողին և գրավոր ժամուցում ստուգումներ իրականացնող իրավասու մարմիններին:

IX. ՉԱՓՈՒՄՆԵՐԻ ՄԻԱՍՆԱԿԱՆՈՒԹՅԱՆ ԱՊԱՀՈՎՈՒՄԸ

49. Հայկական կոնյակների և հայկական կոնյակի սպիրտների միասնականության ապահովումը պետք է իրականացվի «Չափումների միասնականության ապահովման մասին» Հայաստանի Հանրապետության օրենքով սահմանված կարգով:

X. ՊԵՏԱԿԱՆ ՎԵՐԱՅՍԿՈՂՈՒԹՅՈՒՆԸ

50. Սույն տեխնիկական կանոնակարգի պահանջներին հայկական կոնյակների և հայկական կոնյակի սպիրտների համապատասխանության պետական վերահսկողությունը պետք է իրականացվի «Համապատասխանության գնահատման մասին» Հայաստանի Հանրապետության օրենքով սահմանված կարգով:

XI. ՏԵԽՆԻԿԱԿԱՆ ԿԱՆՈՆԱԿԱՐԳՈՎ ՍԱՀՄԱՆՎԱԾ ՊԱՅԱՆՋՆԵՐԻ ԿԱՏԱՐՈՒՄ և ԱՊԱՀՈՎՈՂ ՍՏԱՆԴԱՐՏՆԵՐԻ ՑԱՆԿԸ

| Ստանդարտի նշագիրը (բաժինը, կետը) | Պահանջներ և փորձարկման մեթոդներ սահմանող ստանդարտի անվանումը |
|----------------------------------|--|
| 1 | 2 |
| ՀՍՏ 179 (բաժին 4) | Գինեզործական արտադրանք. Ընդունման կանոններ և նմուշառման մեթոդներ |
| ԳՕՍՏ 12280 | Գինիներ և զինենյութեր. կոնյակներ և կոնյակի սպիրտներ. Ալդեհիդների որոշման մեթոդ |
| ԳՕՍՏ 3191 | Գինիներ, զինենյութեր, կոնյակներ և կոնյակի սպիրտներ, պտղահատապտղային սպիրտացված հյութեր. էթիլ սպիրտի որոշման մեթոդներ |
| ԳՕՍՏ 13192 | Գինիներ, զինենյութեր և կոնյակներ. Շաքարների որոշման մեթոդ |

| 1 | 2 |
|--------------|---|
| ՊՕՍՍ 13193 | Գինիներ, գինեջուրներ, կոնյակներ և կոնյակի սպիրտներ, պտղահատապտղային սպիրտացված հյութեր. Ցնդող թթուների որոշման մեթոդներ |
| ՊՕՍՍ 13194 | Կոնյակներ և կոնյակի սպիրտներ. Մեթիլ սպիրտի որոշման մեթոդ |
| ՊՕՍՍ 13195 | Գինիներ, գինեջուրներ, կոնյակներ և կոնյակի սպիրտներ, պտղահատապտղային սպիրտացված հյութեր. Երկաթի որոշման մեթոդ |
| ՊՕՍՍ 14138 | Կոնյակի և պտղային սպիրտներ. Բարձր սպիրտների որոշման մեթոդ |
| ՊՕՍՍ 14139 | Կոնյակի և պտղային սպիրտներ. Սիզին եթերների որոշման մեթոդներ |
| ՊՕՍՍ 14192 | Բեռների մակնշում |
| ՊՕՍՍ 14252 | Գինիներ և գինեջուրներ. Տիտրվող թթուների որոշման մեթոդներ |
| ՊՕՍՍ 14352 | Կոնյակի սպիրտներ. Ֆուրֆուրոլի որոշման մեթոդ |
| ՊՕՍՍ 23943 | Գինիներ և կոնյակներ. Շշալցման լրիվության որոշման մեթոդներ |
| ՊՕՍՍ 26927 | Սննդահումք և սննդամթերք. Սնդիկի որոշման մեթոդ |
| ՊՕՍՍ 26928 | Սննդամթերք. Երկաթի որոշման մեթոդ |
| ՊՕՍՍ 26930 | Սննդահումք և սննդամթերք. Արսենի որոշման մեթոդ |
| ՊՕՍՍ 26931 | Սննդահումք և սննդամթերք. Պղնձի որոշման մեթոդ |
| ՊՕՍՍ 26932 | Սննդահումք և սննդամթերք. Կապարի որոշման մեթոդ |
| ՊՕՍՍ 26933 | Սննդահումք և սննդամթերք. Կադիումի որոշման մեթոդ |
| ՊՕՍՍ 30538 | Սննդամթերք. Ատոմային ենիսիայի մեթոդով թունավոր տարրերի որոշման մեթոդիկա |
| ՊՕՍՍ Ռ 51655 | Ալկոհոլային արտադրանք և դրա արտադրության համար հումք. Ազատ և ընդհանուր ծծմբի երկօքսիդի զանգվածային խտության որոշման մեթոդ |

Հայաստանի Հանրապետության
կառավարության աշխատակազմի
ղեկավար-նախարար

Ս. Թովուզյան

24 N 2

Հայաստանի Հանրապետության առևտրի և տնտեսական զարգացման նախարարության
Հայաստանի Հանրապետության որակի տեսչության պետ

պրն _____

Հ Ա Յ Տ

ՀԱՅԿԱԿԱՆ ԿՈՆՑԱԿՆԵՐԻ ԻՍԿՈՒԹՅԱՆ ՎԿԱՑԱԿԱՆ ՍՏԱՆԱԼՈՒ ՄԱՍԻՆ

Հայտատու _____
(կազմակերպության անվանումը)

Խնդրում եմ տրամադրել իսկության վկայական՝ ներկայացված հայկական կոնյակ-ների համար:

Արտադրանքի բնութագիրը.

| №№ ը/4 | Կոնյակի անվանումը | Խմրա- քանակը (շիշ), հատ | Հաշիվ- ապրան- քազրի համարը | Եշի տարրոր- թյունը, l | Կոնյակի տարիքը, տարի | Էթի տպիրտի ժապե- լային մասը, % | Դիտրա- կան կուտարժի համարը | Կոնյակի քանակը, վերահաշ- վարկած՝ ըստ անջուր սպիրտի, ընկալիչը | Շարքայնեղի զանգ- վածային խտությունը, գ/լմ ³ |
|-----------|----------------------|----------------------------------|-------------------------------------|-----------------------------|----------------------------|---|-------------------------------------|--|--|
| 1 | 2 | 3 | 4 | 5 | 6 | 7 | 8 | 9 | 10 |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |

Կից ներկայացված փաստաթղթերը՝

1. _____
2. _____
3. _____
4. _____

(ստորագրությունը)

(անվանատառը, ազգանունը)

Կ.Տ.

Ձև N 3

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌԵՎՏՐԻ ԵՎ ՏՆՏԵՍԱԿԱՆ
ԶԱՐԳԱՑՄԱՆ ՆԱԽԱՐԱՐՈՒԹՅՈՒՆ**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՐԱԿԻ ՏԵՍՉՈՒԹՅՈՒՆ

Վ Կ Ա Յ Ա Կ Ա Ն

ՀԱՅՎԱԿԱՆ ԿՈՆՑԱԿԻ ԻՍԿՈՒԹՅԱՆ ՄԱՍԻՆ

1. _____
(արտադրող կազմակերպության անվանումը)

2. _____
(առաքող կազմակերպության անվանումը)

3. _____
(ստացողը)

4. Հայկական կոնյակների բնութագիրը.

| NN ը/վ | Կոնյակի անվանումը | Ապրանքի խմբա- քանակը, (շիշ) հատ | Հաշիվ- ապրան- քազրի համարը | Շշի տարողու- թյունը, l | Կոնյակի տարիքը (տարի) | Էթիլ սպիրտի ծավա- լային մասը, % | Շաքարների զանգվածային խտությունը, գ/դմ ³ |
|-----------|----------------------|--|-------------------------------------|---------------------------------|-----------------------------|--|--|
| 1. | | | | | | | |
| | | | | | | | |
| | | | | | | | |
| | | | | | | | |
| | Ընդամենը | | | | | | |

5. Արտադրանքի իսկության մասին եզրակացություն.

Սույն վկայականով Հայաստանի Հանրապետության որակի տեսչությունը հավաստում է, որ 4-րդ կետում նշված հայկական կոնյակները բացառապես ստացվել են Հայաստանի Հանրապետության և Լեռնային Ղարաբաղի տարածքներում աճեցրած խաղողի տրտերից պատրաստված հայկական կոնյակի գինեգործության բորման արդյունքում ստացված և Հայաստանի Հանրապետության տարածքում հասունացած հայկական կոնյակի սպիրտներից և հաստատում է, որ այդ կոնյակների շշալցումը կատարվել է Հայաստանի Հանրապետության տարածքում:

Հայաստանի Հանրապետության որակի տեսչության պետ՝ գլխավոր պետական տեսուչ _____
(ստորագրությունը) (անվանատառը, ազգանունը)

4. Տ.